



## Commune Sanctorum.

### In Vigiliis Apostolorum.



**G**officium sit de  
Feria, exceptis  
Lectionibus et  
Oratione, quæ  
in propriis locis notantur.  
Ubi vero non sunt propriæ  
Lectiones, legitur Evan-  
gelium cum Homilia seq.

Lectio sancti Evangelii  
secundum Joannem.

**Lectio j.** Cap. xv. b  
IN illo tempore : Dixit  
Jesus discipulis suis :  
Hoc est præceptum meum,  
ut diligatis invicem, sicut  
dilexi vos. Et reliqua.

Homilia sancti Gregorii  
Papæ.

Homilia xxvij. in Evang.

**Q**UM cuncta sacra  
elóquia Dominicis  
plena sint præcép-  
tis, quid est quod de di-  
lectiône, quasi de singu-  
lari mandáto, Dóminus

dicit, Hoc est præceptum  
meum, ut diligatis invi-  
cem : nisi quia omne man-  
dátum de sola dilectiône  
est : et ómnia unum præ-  
ceptum sunt? quia quid-  
quid præcipitur, in sola  
caritate solidátur. Utenim  
multi árboris rami ex una  
radice pródeunt : sic mul-  
tæ virtútes ex una cari-  
tate generántur. Nec ha-  
bet áliquod viriditatis ra-  
mus boni óperis, si non  
manet in radice caritátis.

XX. de Feria pro temp.

Lectio ij.

**P**ræcepta ergo Domi-  
nica et multa sunt,  
et unum : multa per di-  
versitatem óperis, unum  
in radice dilectiõnis. Quá-  
liter autem ista dilectio  
tenenda sit, ipse insinuat,  
qui in plerisque Scriptúre

suæ sententiis, et amicos jubet diligere in se, et inimicos propter se. Ille enim veraciter caritatem habet, qui et amicum diligit in Deo, et inimicum diligit propter Deum. Nam sunt nonnulli, qui diligunt proximos, sed per affectum cognationis et carnis: quibus tamen in hac dilectione, sacra eloquia non contradicunt: sed aliud est quod sponte impenditur naturæ, aliud quod præceptis Dominicis ex caritate debetur obedientiæ.

**Lectio iij.**

**H**I nimirum et proximum diligunt, et tamen illa sublimia dile-

ctionis præmia non assequuntur: quia amorem suum non spiritaliter, sed carnaliter impendant. Proinde cum Dominus diceret: Hoc est præceptum meum, ut diligatis invicem: protinus addidit, Sicut dilexi vos: ac si aperte dicat: Ad hoc amate, ad quod amavi vos. Qua in re, fratres carissimi, solerter intuendum est, quod antiquus hostis, dum mentem nostram ad rerum temporalium dilectionem trahit, infirmiores contra nos proximum excitat, qui ea ipsa, quæ diligimus, auferre moliatur.

**Commune****Apostolorum et Evangelistarum.****IN I. VESPERIS.**

**Añã.** Hoc est præceptum meum, \* ut diligatis invicem, sicut dilexi vos.

**Psalmus cix.**

**E**xit Dominus Domino meo: \* Sede a dextris meis:

Donec ponam inimicos tuos, \* scabellum pedum tuorum.

Virgam virtutis tuæ emittet Dominus ex

Sion: \* dominare in medio inimicorum tuorum.

Tecum principium in die virtutis tuæ in splendoribus sanctorum: \* ex utero ante luciferum genui te.

Juravit Dominus, et non poenitebit eum: \* Tu es sacerdos in æternum secundum ordinem Melchisedech.

Dñus a dextris tuis, \* confrégit in die iræ suæ reges.

Judicabit in nationibus, implebit ruinas: \* conquassabit capita in terra multorum.

De torrente in via bibet: \* propterea exaltabit caput.

**Añã.** Hoc est præceptum meum, ut diligatis invicem, sicut dilexi vos.

**Añã.** Majorem caritatem \* nemo habet, ut animam suam ponat quis pro amicis suis.

**Psalmus cx.**

**C**onfitebor tibi Domine in toto corde meo: \* in consilio justorum, et congregatione.

Magna opera Domini: \* exquisita in omnes voluntates ejus.

Confessio et magnificentia opus ejus: \* et justitia ejus manet in sæculum sæculi.

Memoriam fecit mirabilium suorum, misericors et miserator Dominus: \* escam dedit timéntibus se.

Memor erit in sæculum testamenti sui: \* virtutem operum suorum annuntiabit populo suo:

Ut det illis hereditatem gentium: \* opera manuum ejus veritas, et iudicium.

Fidelia omnia mandata ejus: confirmata in sæcu-

lum sæculi, \* facta in veritate et æquitate.

Redemptionem misit populo suo: \* mandavit in æternum testamentum suum.

Sanctum, et terribile nomen ejus: \* initium sapientiæ timor Domini.

Intellectus bonus omnibus faciéntibus eum: \* laudatio ejus manet in sæculum sæculi.

**Añã.** Majorem caritatem nemo habet, ut animam suam ponat quis pro amicis suis.

**Añã.** Vos amici mei estis, \* si feceritis quæ præcipio vobis, dicit Dominus.

**Psalmus cxj.**

**B**eatissimus vir, qui timet Dominum: \* in mandatis ejus volet nimis.

Potens in terra erit semen ejus: \* generatio rectorum benedicetur.

Glória, et divitiæ in domo ejus: \* et justitia ejus manet in sæculum sæculi.

Exortum est in tenebris lumen rectis: \* misericors, et miserator, et justus.

Jucundus homo qui miseretur et commodat, dispónet sermones suos in iudicio: \* quia in æternum non commovebitur.

In memoria aeterna erit justus : \* ab audicione mala non timebit.

Paratum cor ejus sperare in Domino, confirmatum est cor ejus : \* non commovebitur donec despiciat inimicos suos.

Dispersit, dedit pauperibus : justitia ejus manet in saeculum saeculi, \* cornu ejus exaltabitur in gloria.

Peccator videbit, et irascetur, dentibus suis fremet et tabescet : \* desiderium peccatorum peribit.

**Añã.** Vos amici mei estis, si feceritis quae praecipio vobis, dicit Dominus.

**Añã.** Beati pacifici, \* beati mundo corde : quoniam ipsi Deum videbunt.

**Psalmus cxij.**

**L**audate pueri Dominum : \* laudate nomen Domini.

Sit nomen Domini benedictum, \* ex hoc nunc, et usque in saeculum.

A solis ortu usque ad occasum, \* laudabile nomen Domini.

Excelsus super omnes Gentes Dominus, \* et super caelos gloria ejus.

Quissicut Dominus Deus noster, qui in altis habi-

tat, \* et humilia respicit in caelo et in terra?

Suscitans a terra inopem, \* et de stercore erigens pauperem :

Ut collocet eum cum principibus, \* cum principibus populi sui.

Qui habitare facit sterilem in domo, \* matrem filiorum letantem.

**Añã.** Beati pacifici, beati mundo corde : quoniam ipsi Deum videbunt.

**Añã.** In patientia vestra possidebitis animas vestras.

**Psalmus cxvj.**

**L**audate Dominum omnes Gentes : \* laudate eum omnes populi :

Quoniam confirmata est super nos misericordia ejus : \* et veritas Domini manet in aeternum.

**Añã.** In patientia vestra possidebitis animas vestras.

**Capitulum. Ephes. ij. d**

**R**atres, Jam non estis hospites, et advenae : sed estis cives sanctorum, et domestici Dei : superaedificati super fundamentum Apostolorum, et Prophetarum, ipso summo angulari lapide Christo Jesu.

**℟.** Deo gratias.

**Hymnus.**

**E**xultet orbis gaudiis : Caelum resultat laudibus :

Apostolorum gloriam Tellus et astra concinunt.

Vos saeculorum Judices, Et vera mundi lumina : Votis precamur cordium :

Audite voces supplicum. Qui templa caeli clauditis, Serasque verbo solvitis,

Nos a reatu noxios Solvi jubete, quaesumus. Praecepta quorum protinus

Languor salusque sentiunt ;

Sanate mentes languidas : Augete nos virtutibus.

Ut, cum redibit Arbiter In fine Christus saeculi ; Nos sempiterni gaudii

Concedat esse cōpotes. Patri, simulque Filio, Tibique sancte Spiritus,

Sicut fuit, sit jugiter Saeculum per omne gloria. Amen.

**℞.** In omnem terram exivit sonus eorum. **℟.** Et in fines orbis terrae verba eorum.

**Ad Magnificat, Añã.** Tradent enim vos \* in conciliis, et in synagogis suis flagellabunt vos, et ante reges et praesides ducemini propter me in testi-

monium illis, et Gentibus.

**Oratio propria.**

**AD MATUTINUM.**

**Invitat.** Regem Apostolorum Dominum, \* Venite adoremus. **Ps.** Venite. 2.

**Hymnus.**

**A**eterna Christi munera,

Apostolorum gloriam, Palmas et hymnos debitos

Lætis canamus mentibus. Ecclesiarum Principes,

Belli triumphales Duces, Coelestis aulae milites,

Et vera mundi lumina. Devota sanctorum fides,

Invicta spes credentium, Perfecta Christi caritas

Mundi tyrannum conterit. In his Paterna gloria,

In his triumphat Filius, In his voluntas Spiritus,

Coelum repletur gaudio. Patri, simulque Filio, Tibique sancte Spiritus,

Sicut fuit, sit jugiter Saeculum per omne gloria. Amen.

**In I. Nocturno.**

**Añã.** In omnem terram \* exivit sonus eorum, et in fines orbis terrae verba eorum.

**Psalmus cxvij.**

**C**eli enarrant gloriam Dei, \* et operum manuum ejus annuntiat firmamentum.

Dies diéi erúctat verbum, \* et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cœlo egréssio ejus :

Et occúrsum ejus usque ad summum ejus : \* nec est qui se abscondat a calore ejus.

Lex Dómini immaculáta convértens ánimas : \* testimónium Dómini fidèle, sapiéntiam præstans párvulis.

Justítiæ Dómini rectæ, lætificántes corda : \* præceptum Dómini lícidum, illúminans óculos.

Timor Dómini sanctus, pérmanens in sæculum sæculi : \* júdicia Dómini vera, justificáta in semetípsa.

Desiderábilia super aurum et lápidem pretiósium multum : \* et dulcióra super mel et favum.

Etenim servus tuus cu-

stódit ea, \* in custodiéndis illis retribútio multa.

Delícta quis intélligit? ab occúltis meis munda me : \* et ab aliénis parce servo tuo.

Si mei non fúerint domínati, tunc immaculátus ero : \* et emundábor a delicto máximo.

Eterunt ut compláceant elóquia oris mei : \* et meditatío cordis mei in conspéctu tuo semper.

Dómine adjútor meus, \* et redémptor meus.

*Añã.* In omnem terram exívit sonus eórum, et in fines orbis terræ verba eórum.

*Añã.* Clamavérunt justí, \* et Dóminus exaudivit eos.

*Psalmus xxxij.*

**B**enedicam Dñm in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et læténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudivit me : \* et ex ómnibus tribulatióibus meis erípuit me.

Accédite ad eum, et illuminámini : \* et fácies vestræ non confundéntur.

Iste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

Immíttet Angelus Dómini in circúitu tíméntium eum : \* et eripiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia tíméntibus eum.

Dívites eguérunt et esuriérunt : \* inquiréntes autem Dóminum non minuéntur omni bono.

Veníte filii, audíte me : \* tímórem Dñi docébo vos.

Quis est homo qui vult vitam : \* díligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquiré pacem, et perséquere eam.

Oculi Dómini super justos : \* et aures ejus in preces eórum.

Vultus autem Dñi super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritus salvábit.

Multæ tribulatiónes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

*Añã.* Clamavérunt justí, et Dóminus exaudivit eos.

*Añã.* Constitues eos príncipes \* super omnem terram : memores erunt nóminis tui Dómine.

*Psalmus rliij.*

**E**ructávit cor meum verbum bonum : \* dico ego ópera mea Regi.

Lingua mea cálamus scribæ, \* velociter scribéntis.

Speciósus forma præ filiis hóminum, diffúsa est grátia in lábiis tuis : \* proptérea benedíxit te Deus in ætérnum.

Accíngere gládio tuo super femur tuum, \* potentíssime,

Spécie tua et pulchritúdine tua \* inténde, prospere procéde, et regna,

Propter veritatem et mansuetudinem, et justitiam : \* et deducet te mirabiliter dextera tua.

Sagittae tuae acutae, populi sub te cadent, \* in corda inimicorum Regis.

Sedes tua Deus in saeculum saeculi : \* virga directionis virga regni tui.

Dilexisti justitiam, et odisti iniquitatem : \* propterea unxit te Deus Deus tuus oleo laetitiae prae consortibus tuis.

Myrrha, et gutta, et casia a vestimentis tuis, a domibus eburneis : \* ex quibus delectaverunt te filiae regum in honore tuo.

Astitit regina a dextris tuis in vestitu deaurato : \* circumdata varietate.

Audi filia, et vide, et inclina aurem tuam : \* et obliviscere populum tuum, et domum patris tui.

Et concupiscet Rex decorem tuum : \* quoniam ipse est Dominus Deus tuus, et adorabunt eum.

Et filiae Tyri in muneribus \* vultum tuum deprecabuntur : omnes divites plebis.

Omnis gloria ejus filiae Regis ab intus, \* in fimbriis aureis circumamicta varietatibus.

Adducuntur Regi virgines post eam : \* proxima ejus afferentur tibi.

Afferentur in laetitia et exultatione : \* adducuntur in templum Regis.

Pro patribus tuis nati sunt tibi filii : \* constitues eos principes super omnem terram.

Memores erunt nominis tui \* in omni generatione et generationem.

Propterea populi consitebuntur tibi in aeternum : \* et in saeculum saeculi.

**Ana.** Constitues eos principes super omnem terram : memores erunt nominis tui Domine.

**V.** In omnem terram exivit sonus eorum. **R.** Et in fines orbis terrae verba eorum.

Pater noster. **Absolutio.** Exaudi Domine. **V.** Jube domne. **Benedictio.** Benedictioe perpetua.

**Lectiones de Scriptura positae in Communi Sanctorum leguntur quando annotantur in Proprio Sanctorum per Annum, et quando contingit fieri Officium de aliquo Sancto illis diebus, in quibus in Officio Feriae non ponuntur Lectiones de Scriptura,**

sed tantum de Homilia : et quando aliquod Festum solemniter celebratur in propria Ecclesia.

De Epistola prima beati Pauli Apostoli ad Corinthios.

**Lectio j.** **Cap. iv.**

**S**IC nos existimet homo ut ministros Christi : et dispensatores mysteriorum Dei. Hic jam quaeritur inter dispensatores ut fidelis quis inveniatur. Mihi autem pro minimo est ut a vobis judicer, aut ab humano die : sed neque me ipsum judico. Nihil enim mihi conscius sum : sed non in hoc justificatus sum : qui autem judicat me, Dominus est. Itaque nolite ante tempus judicare, quoadusque veniat Dominus : qui et illuminabit abscondita tenebrarum, et manifestabit consilia cordium : et tunc laus erit unicuique a Deo.

**R.** Ecce ego mitto vos sicut oves in medio luporum, dicit Dominus : \* Estote ergo prudentes sicut serpentes, et simplices sicut columbae. **V.** Dum lucem habetis, credite in lucem, ut filii lucis sitis. — Estote.

**Benedictio.** Unigenitus Dei Filius.

**Lectio ij.**

**H**AEC autem, fratres, et Apollo, propter vos : ut in nobis discatis, ne supra quam scriptum est, unus adversus alterum infletur pro alio. Quis enim te discernit? Quid autem habes quod non accepisti? Si autem accepisti, quid gloriaris quasi non acceperis? Jam saturati estis, jam divites facti estis : sine nobis regnatis : et utinam regnetis, ut et nos vobiscum regnemus. Puto enim quod Deus nos Apostolos novissimos ostendit, tamquam morti destinatos : quia spectaculum facti sumus mundo, et Angelis, et hominibus.

**R.** Tollite jugum meum super vos, dicit Dominus, et discite a me, quia mitis sum, et humilis corde : \* Jugum enim meum suave est, et onus meum leve. **V.** Et inveniatis requiem animabus vestris. — Jugum enim.

**Bened.** Spiritus sancti.

**Lectio iij.**

**N**OS stulti propter Christum, vos autem prudentes in Christo : nos in-

firmi, vos autem fortes : vos nobiles, nos autem ignobiles. Usque in hanc horam et esurimus, et siti- mus, et nudi sumus, et colaphis cedimus, et instabiles sumus, et laboramus operantes manibus nostris : maledicimur, et benedicimus : persecuti- onem patimur, et sustinemus : blasphemamur, et obsecramus : tamquam purgamenta huius mundi facti sumus, omnium peripsa usque adhuc. Non ut confundam vos, haec scribo, sed ut filios meos carissimos moneo. Nam si decem milia pedagogorum habeatis in Christo : sed non multos patres. Nam in Christo Jesu per Evangelium ego vos genui.

**R.** Dum steteritis ante reges et praesides, nolite cogitare quomodo, aut quid loquamini : dabitur enim vobis in illa hora, quid loquamini. **R.** Non enim vos estis qui loquimini : sed Spiritus Patris vestri, qui loquitur in vobis. — Dabitur. **Gloria Patri.** Dabitur.

In II. Nocturno.

**Añã.** Principes populorum congregati sunt cum Deo Abraham.

**Psalmus cxiij.**

**G**Mnes Gentes plaudite manibus : \* jubilate Deo in voce exsultationis.

Quoniam Dominus excelsus, terribilis : \* Rex magnus super omnem terram.

Subjecit populos nobis : \* et Gentes sub pedibus nostris.

Eligit nobis hereditatem suam : \* speciem Jacob, quam dilexit.

Ascendit Deus in iubilo : \* et Dominus in voce tubae.

Psallite Deo nostro, psallite : \* psallite Regi nostro, psallite.

Quoniam Rex omnis terrae Deus : \* psallite sapienter.

Regnabit Deus super Gentes : \* Deus sedet super sedem sanctam suam.

Principes populorum congregati sunt cum Deo Abraham : \* quoniam dii fortes terrae vehementer elevati sunt.

**Añã.** Principes populorum congregati sunt cum Deo Abraham.

**Añã.** Dedisti hereditatem \* timentibus nomen tuum Domine.

**Psalmus lx.**

**E**Xaudi Deus deprecationem meam : \* intendente orationi meae.

A finibus terrae ad te clamavi : \* dum anxietur cor meum, in petra exaltasti me.

Deduxisti me, quia factus es spes mea : \* turris fortitudinis a facie inimici.

Inhabitabo in tabernaculo tuo in saecula : \* proteger in velamento alarum tuarum.

Quoniam tu Deus meus exaudisti orationem meam : \* dedisti hereditatem timentibus nomen tuum.

Dies super dies regis adjuvices : \* annos ejus usque in diem generationis et generationis.

Permanet in aeternum in conspectu Dei : \* misericordiam et veritatem ejus quis requireret?

Sic psalmum dicam nomini tuo in saeculum saeculi : \* ut reddam vota mea de die in diem.

**Añã.** Dedisti hereditatem timentibus nomen tuum Domine.

**Añã.** Annuntiaverunt \* opera Dei, et facta ejus intellexerunt.

**Psalmus lxiij.**

**E**Xaudi Deus orationem meam cum deprecor : \* a timore inimici eripe animam meam.

Protexisti me a conventu malignantium : \* a multitudi- ne operantium iniquitatem.

Quia exacerunt ut gladium linguas suas : \* intenderunt arcum rem amaram, ut sagittent in occultis immaculatum.

Subito sagittabunt eum, et non timebunt : \* firmaverunt sibi sermonem nequam.

Narraverunt ut absconderent laqueos : \* dixerunt : Quis videbit eos?

Scrutati sunt iniquitates : \* defecerunt scrutantes scrutatio.

Accedet homo ad cor altum : \* et exaltabitur Deus.

Sagittae parvulorum factae sunt plagae eorum : \* et infirmatae sunt contra eos linguae eorum.

Conturbati sunt omnes qui videbant eos : \* et timuit omnis homo.

Et annuntiaverunt opera Dei : \* et facta ejus intellexerunt.

Latabitur justus in Domino, et sperabit in eo, \* et laudabuntur omnes recti corde.

**Añā.** Annuntiaverunt ópera Dei, et facta ejus intellexerunt.

**℣.** Constitues eos príncipes super omnem terram.

**℞.** Mémoires erunt nóminis tui Dómine.

Pater noster. **Absolutio.** Ipsius píetas. **℣.** Jube domne. **Benedictio.** Deus Pater omnipotens.

Sermo sancti Gregórii Papæ. **Homilia xxx. in Evang. post medium.**

**Lectio íb.**

**S**criptum est : Spíritus Dómini ornávit cœlos. Ornáménta enim cœlorum sunt virtútes prædicántium. Quæ videlicet ornáménta Paulus enúmerat, dicens : Alii datur per Spíritum sermo sapiéntiæ, álii sermo sciéntiæ secúndum eúmdem Spíritum, álii fides in eódem Spíritu, álii grátia sanitátum in uno Spíritu, álii operátio virtútum, álii prophetía, álii discretio spirítuum, álii génera linguárum, álii interpretátio sermónum. Hæc autem ómnia operátur unus atque idem Spíritus, dívicens singulis prout vult.

**℞.** Vidi conjúctos viros habéntes spléndidas ve-

stes, et Angelus Dómini locútus est ad me, dicens :

\* Isti sunt viri sancti facti amici Dei. **℣.** Vidi Angelum Dei fortem, volántem per médium cœlum, voce magna clamántem, et dicéntem. — Isti sunt.

**Benedictio.** Christus perpetuæ.

**Lectio v.**

**Q**uot ergo sunt bona prædicántium, tot sunt ornáménta cœlorum. Hinc rursus scriptum est : Verbo Dómini cœli firmáti sunt. Verbum enim Dómini Fílius est Patris. Sed eósdem cœlos, videlicet sanctos Apóstolos, ut tota simul sancta Trínitas ostendátur operáta, repente de sancti Spíritus divinitáte adjúngitur : Et spirítu oris ejus omnis virtus eórum. Cœlorum ergo virtus de Spíritu sumpta est : quia mundi hujus potestátibus contraire non præsumerent, nisi eos sancti Spíritus fortitúdo solidásset. Quales namque doctóres sanctæ Ecclesiæ ante advéntum hujus Spíritus fúerint, scimus : et post advéntum illius, cujus fortitúdinis facti sint, conspícimus.

**℞.** Beáti estis cum male-

dixerint vobis hómines, et persecúti vos fúerint, et dixerint omne malum advérsus vos, mentióntes, propter me : \* Gaudéte et exultáte, quóniam merces vestra copiósa est in cœlis. **℣.** Cum vos óderint hómines, et cum separáverint vos, et exprobráverint, et ejícerint nomen vestrum tamquam malum propter Fílium hóminis. — Gaudéte.

**Bened.** Ignem sui amóris.

**Lectio vj.**

**C**erte iste ipse pastor Ecclesiæ, ad cujus sacratíssimum corpus sedémus, quantæ debilitátis, quantæque formídinis ante advéntum Spíritus fúerit, ancilla ostiária requisíta dicat. Una enim mulieris voce percússus, dum mori tímuit, vitam negávit. Et pensándum, quia eum comprehénsus Petrus negávit in terra, quem suspénsus latro conféssus est in cruce. Sed vir iste tantæ formídinis, qualis post advéntum Spíritus exsístat, audiámus. Fit convéntus magistrátus atque seniórum, cæsis denuntiátur Apóstolis, ne in nómine Jesu loqui débent : Petrus magna au-

ctoritáte respóndet : Obedire opórtet Deo magis quam hóminibus.

**℞.** Isti sunt triumphatóres, et amici Dei, qui contemnéntes jussa príncipum, meruérunt præmia ætérna : \* Modo coronántur, et accípiunt palmam.

**℣.** Isti sunt qui venérunt ex magna tribulatióne, et lavérunt stolas suas in ságuine Agni. — Modo. Glória Patri. Modo.

**In III. Nocturno.**

**Añā.** Exaltabúntur \* cónnua justí, allelúia.

**Psalmus lxxv.**

**Q**onfitebimur tibi Deus : \* confitebimur, et invocábimus nomen tuum.

Narrábimus mirabília tua : \* cum accépero tempus, ego justítias judicábo.

Liquefacta est terra, et omnes qui hábitant in ea : \* ego confirmávi colúmnas ejus.

Dixi iníquis : Nolíte iníque ágere : \* et delinquentibus : Nolíte exaltáre cornu.

Nolíte extóllere in altum cornu vestrum : \* nolíte loqui advérsus Deum iniquitátem.

Quia neque ab Oriénte,

neque ab Occidente, neque a desértis móntibus: \* quóniam Deus iudex est.

Hunc humíliat, et hunc exáltat: \* quia calix in manu Dómini vini meri plenus misto.

Et inclinávit ex hoc in hoc: verúm tamen fæx ejus non est exinaníta: \* bibent omnes peccatóres terræ.

Ego autem annuntiábo in sæculum: \* cantábo Deo Jacob.

Et ómnia córnua peccatórum confringam: \* et exaltabúntur córnua iusti.

**Añã.** Exaltabúntur córnua iusti, allelúia.

**Añã.** Lux orta est \* iusto, allelúia: rectis corde lætítia, allelúia.

**Psalmus rcvj.**

**D**ominus regnávit, exsúltet terra: \* læténtur insulæ multæ.

Nubes, et caligo in circúitu ejus: \* iustítia, et iudícium corrèctio sedis ejus.

Ignis ante ipsum præcedet, \* et inflammábit in circúitu inimícos ejus.

Illuxérunt fúlgura ejus orbi terræ: \* vidit, et comóta est terra.

Montes, sicut cera fluxérunt a fácie Dómini: \* a fácie Dómini omnis terra.

Annuntiavérunt cæli iustítiam ejus: \* et vidérunt omnes pópuli glóriam ejus.

Confundántur omnes, qui adórant sculptília: \* et qui gloriántur in simulácris suis.

Adoráte eum omnes Angeli ejus: \* audívit, et lætáta est Sion.

Et exsultavérunt filiæ Judæ, \* propter iudícia tua Dómine:

Quóniam tu Dóminus Altíssimus super omnem terram: \* nimis exaltátus es super omnes deos.

Qui diligitis Dóminum, odíte malum: \* custódit Dóminus ánimas sanctórum suórum, de manu peccatóris liberábit eos.

Lux orta est iusto, \* et rectis corde lætítia.

Lætámini iusti in Dño: \* et confitémini memóriæ sanctificatiónis ejus.

**Añã.** Lux orta est iusto, allelúia: rectis corde lætítia, allelúia.

**Añã.** Custodiébant \* testimónia ejus, et præcépta ejus, allelúia.

**Psalmus rcviiij.**

**D**ominus regnávit, irascántur pópuli: \* qui sedet super Chérubim, moveátur terra.

Dóminus in Sion magnus: \* et excélsus super omnes pópulos.

Confiteántur nómini tuo magno: quóniam terribile, et sanctum est: \* et honor Regis iudícium diligit.

Tu parásti directiões: \* iudícium et iustítiam in Jacob tu fecisti.

Exaltáte Dóminum Deum nostrum, et adoráte scabéllum pedum ejus: \* quóniam sanctum est.

Móyses, et Aaron in sacerdotibus ejus: \* et Sámuél inter eos, qui invocant nomen ejus:

Invocabant Dóminum, et ipse exaudiébat eos: \* in columna nubis loquebátur ad eos.

Custodiébant testimónia ejus, \* et præcéptum quod dedit illis.

Dómine Deus noster tu exaudiébas eos: \* Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus: \* quóniam sanctus Dóminus Deus noster.

**Añã.** Custodiébant testimónia ejus, et præcépta ejus, allelúia.

**℣.** Nimis honoráti sunt

amíci tui Deus. **℞.** Nimis confortátus est principátus eórum.

Pater noster. **Absol.** A vínculis. **℣.** Jube domne. **Bened.** Evangélica léctio. Léctio sancti Evangélii secundum Matthæum.

**Lectio vij. Cap. xix. d**

**I**n illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et réliqua.

Homília sancti Hierónymi Presbyteri.

**Lib. 3. in Matth. cap. xix.**

**R**andis fidúcia: Petrus piscátor erat, dives non fúerat, cibos manu et arte quærébat: et tamen loquitur confidénter, Reliquimus ómnia. Et quia non súfficit tantum relinquere, jungit quod perféctum est: Et secúti sumus te. Fécimus quod jussísti: quid igitur nobis dabis præmii? Jesus autem dixit illis: Amen dico vobis: quod

vos qui secúti estis me, in regeneratióne, cum sederit Fílius hóminis in sede majestátis suæ, sedébitis et vos super sedes duódecim, iudicántes duódecim tribus Israel. Non dixit, Qui reliquistis ómnia: hoc